

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića broj 1, 71 000 Sarajevo

ID broj: 4200667410006

koju zastupa načelnik Fikret Jašarević, (u daljem tekstu Kupac)

i

Žaluzine style d.o.o. Zenica

ulica Kočeva broj 35, 72 000 Zenica

ID 4218635210001

koga zastupa direktor Anes Kavaz (u daljem tekstu: Prodavac)

zaključili su

Ugovor o kupoprodaji i montaži trakastih zavjesa

Član 1.

(Predmet ugovora)

- (1) Predmet Ugovora je nabavka, isporuka i montaža trakastih zavjesa prema uslovima Ponude broj P-285-09/20 od 10.09.2020. godine, zaprimljenom pod brojem 17-11-35536 od 15.09.2020. godine, i konačne ponude nakon održane E-aukcije od 21.09.2020 godine (u daljem tekstu: Ponuda).
- (2) Izvršilac se obavezuje da po nalogu Naručioca i na osnovu prethodno usuglašenog i od strane Naručioca usvojenog predmjera radova, izvede eventualne naknadne radove, a sve u skladu sa odredbama ovog ugovora

Član 2.

(Obim isporuke)

Obim isporuka iskazan u članu 1. ovog Ugovora, obuhvata:

- isporuku i montažu trakastih zavjesa,
- održavanje u garantnom roku.

Član 3.

(Ugovorena vrijednost)

- (1) Ukupna ugovorena vrijednost za isporuku i radove po ovom Ugovoru iznosi:

Ukupna cijena bez PDV-a 19.370,00 KM

PDV 17 % 3.292,90 KM

Ukupna cijena sa PDV-om 22.662,90 KM

Slovima: (dvadesetdvijehiljadešeststotinadviije i 90/100 KM)

- (2) Cijena po ovom Ugovoru podrazumijeva paritet fco Sarajevo (objekti koje koristi Kanton Sarajevo), isporučeno i montirano, ocarinjeno, bez poreza na promet.
- (3) Prodavac nema pravo na promjenu ugovorenih jediničnih cijena, po bilo kom osnovu i u tom smislu jedinične cijene utvrđene premjerom i predračunom, smatraju se fiksnim i nepromjenljivim.
- (4) Konačna vrijednost poslova utvrdi će se konačnim obračunom realizovanih radova nabavke i ugradnje trakastih zavjesa na osnovu stvarno ugrađenih količina (putem građevinske knjige i građevinskog dnevnika ovjerenog od strane nadzornog organa) i ugovorenih jediničnih cijena po premjeru i predračuna ugovorenih poslova, koji se nalaze u prilogu ovog Ugovora i koji čine njegov sastavni dio. Konačnom vrijednošću radova će biti obuhvaćeni i eventualni naknadni radovi, a u skladu sa članom 1. ovog Ugovora.

Član 4.
(Način plaćanja)

- (1) Plaćanje će se izvršiti u roku od šezdeset (60) dana od dana isporuke, montaže i fakturisanja trakastih zavjesa.
- (2) Kupac će Prodavcu ugovorene radove platiti na račun broj: 1413555320027456 otvoren kod BBI bank d.d. Sarajevo.
- (3) Kupac će plaćanje realizovanih radova vršiti na slijedeći način: - po ispostavljenoj privremenoj i okončanoj situaciji. Nadzorni organ i ovlašteno lice Kupca dužni su u roku od 5 (pet) dana po prijemu privremene ili okončane situacije ovjeriti i uputiti na dalju realizaciju ili je u slučaju njene neispravnosti odnosno manjkavosti, vratiti Prodavcu. Ovjerenu i potpisanu privremenu ili okončanu situaciju Kupac je na način predviđen stavom (1) ovog člana dužan platiti Prodavcu u roku od 60 (šezdeset) dana, koji počinje teći danom njene ovjere od strane Kupca.
- (4) **Fakturisanje i plaćanje tereti poziciju: Kantona Sarajevo Stručna služba za zajedničke poslove.**

Član 5.
(Rokovi)

- (1) Rok za izvođenje svih ugovorenih radova u ugovorenom obimu, kao i eventualnih dodatnih i nepredviđenih radova do 10% od ugovorenog obima je **15 (petnaest) dana** od dana uvođenja Prodavca u posao.
- (2) Pod uvođenjem Prodavca u posao, u smislu odredbi prethodnog stava, smatra se obaveza Kupca:
 - da potpiše ovaj Ugovor,
 - da preda Izvršiocu svu dokumentaciju potrebnu za izvođenje radova (predmjer radova).
- (3) Ugovoreni rok iz stava (1) ovog člana počinje teći danom upisa u građevinski dnevnik od strane nadzornog organa s konstatacijom da su stvoreni uslovi za početak radova.

Član 6.
(Kvalitet i obim radova)

- (1) Prodavac se obavezuje da nabavku materijala i sve ugovorene radove montaže izvede prema tehničkoj dokumentaciji, predmjeru i predračunu radova, a u skladu sa važećim propisima, standardima i normativima za ovu vrstu poslova.
- (2) Ukoliko se pregledom utvrdi da kvalitet i kvantitet ponuđenih materijala i opreme ne odgovara traženom i ponudom utvrđenom kvalitetu i kvantitetu, kupac će to konstatovati kroz sastavljanje odgovarajućeg zapisnika koji se ima dostaviti Kupcu. Kupac zadržava pravo da kroz zapisnik traži otklanjanje nedostataka, odnosno ako se nedostaci ne otklone u roku od 48h da raskine ugovor na štetu Prodavca.
- (3) Eventualna odstupanja od izvođenja premjerom i predračunom predviđenih dodatnih radova, a u pogledu njihovog kvaliteta kao i njihovog obima do 10% od ugovorenih radova, moraju biti prethodno odobrena od strane Kupca odnosno od strane nadzornog organa, uz prethodno provođenje procedure koja je u skladu sa Zakonom o javnim nabavkama (Službeni glasnik BiH 39/14).

Član 7.

Kupac je dužan da Prodavcu, bez naknade omogući korištenje i priključenje na elektroinstalacije.

Član 8.

Prodavac je odgovoran za:

- sprovođenje mjera tehničke zaštite na radu na objektima,
- sigurnost objekta i stvari u njemu za vrijeme izvođenja radova,

- sigurnost i zaštita ljudi, stvari i susjednih objekata i prostora u pogledu mogućih posljedica uzrokovanih obavljanjem radova.

Član 9.

Prodavac treba ukoliko je to zakonska obaveza prijaviti izvođenje predmetnih radova nadležnom općinskom organu, a u skladu sa važećim propisima.

Član 10.

(Kontrola)

Stručni nadzor nad izvođenjem radova vršit će Zavod za izgradnju Kantona Sarajevo preko svog ovlaštenog lica, koje će biti imenovano odmah po potpisivanju Ugovora. Prodavac je dužan da pismenim putem obavjesti Kupca o imenu ovlaštenog lica - rukovodioca radova na objektu.

Član 11.

(Garancije)

- (1) Za ugovorenu opremu iz tačke 1. ovog Ugovora Prodavac daje garanciju na kvalitet i funkcionalnost u trajanju od minimalno:

12 (dvanaest) mjeseci od dana isporuke i montaže.

- (2) Za ugrađene trakaste zavjese, Prodavac je dužan Kupcu, pri primopredaji radova dostaviti garantne listove (garancija u pisanom obliku) proizvođača za ugrađeni material.
- (3) U slučaju naknadne pojave nedostataka u kvalitetu izvedenih radova i kvalitetu trakastih zavjesa, a u okviru garantnog roka, Prodavac je dužan da u roku od 24 (dvadesetčetiri) sata po pozivu Kupca pristupi njihovom otklanjanju i iste odmah otkloni o svom trošku. U slučaju da se Prodavac po pozivu Kupca ne odazove u navedenom roku Kupac stiče pravo da za otklanjanje nedostataka na račun Prodavca angažuje drugog prodavaca.
- (4) U slučaju naknadne pojave nedostataka u kvalitetu izvedenih radova i kvalitetu trakastih zavjesa, u okviru ugovorenog garantnog roka, čijim bi trajanjem bili ugroženi životi ljudi ili prouzrokovane veće materijalne štete nad objektima i drugim uređajima u i oko objekata, Prodavac je dužan da otklanjanju nedostataka pristupi odmah po pozivu Kupca. U slučaju da Prodavac to izbjegava, Kupac će postupiti na način predviđen stavom (3) ovog člana.

Član 12.

(Penali i kazne)

- (1) U slučaju da Prodavac svoju ugovorenu obavezu ne izvršava u ugovorenom roku i u obimu iz osnovnog predmjera i predračuna radova sa eventualnim viškovima radova do 10% od ugovorene vrijednosti radova, Kupac stiče pravo na obračun i naplatu kazne za prekoračenje ugovorenog roka u iznosu od 0,5 % od izvedene vrijednosti radova za svaki dan zakašnjenja, a najviše do 5% od vrijednosti izvedenih radova. Ukoliko Prodavac u ugovorenom roku iz bilo kojih razloga ne započne ugovorene radove ili ugovorene radove djelimično izvede ili isti budu izvedeni manje od 70% od ukupno ugovorenih radova Kupac stiče pravo da pokrene proceduru naplate raskida ugovora.
- (2) Ukoliko dođe do kašnjenja ugovorenih obaveza, ugovorena kazna će biti obračunata konačnim obračunom, a ukoliko dođe do otkazivanja Ugovora na jedan od načina koji su navedeni u stavu (1) ovog člana, Kupac stiče pravo naplate troškova koji su prouzrokovani otkazivanjem Ugovora.

Član 13.

(Dokumentacija)

- (1) Prodavac je obavezan svakodnevno voditi građevinsku knjigu i građevinski dnevnik radova od kojih po jedan primjerak za potrebe Kupca. Obostrano ovjereni i potpisani listovi građevinske knjige odnosno dnevnika čine sastavni dio ugovorene dokumentacije.

Član 14.

(Tehnički prijem i primopredaja)

- (1) Kupac je dužan po zahtjevu Prodavca formirati komisiju za tehnički prijem i primopredaju predmetnih radova. Prodavac je dužan 5 (pet) dana prije konačnog završetka radova, Kupcu uputiti pismeni zahtjev za formiranje komisije, a Kupac je dužan u roku od 7 (sedam) dana od pismenog zahtjeva Prodavca formirati komisiju i zakazati tehnički prijem i primopredaju predmetnih radova.
- (2) Tehnički prijem i primopredaja radova se po zahtjevu Kupca može izvršiti i za dio radova koji čine funkcionalnu cjelinu, a sve u skladu sa procjenom Kupca.
- (3) Troškove rada komisije za tehnički prijem radova, snosi svaka ugovorna strana za svoj dio članova zajedničke komisije.

Član 15.

(Konačni obračun)

- (1) Konačni obračun svih radova će se izvršiti najdalje u roku od 5 (pet) dana po izvršenom tehničkom prijemu i primopredaji ugovorenih radova.
- (2) Konačan obračun radova će se izvršiti putem zajedničke komisije Kupca i Prodavca u koju ugovorne strane imenuju po jednog člana. Predsjednik zajedničke komisije je iz reda članova komisije imenovanih od strane Kupca. Sastav zajedničke komisije za konačan obračun radova pored ostalih obavezno čine predstavnik nadzorne službe Kupca i ispred Prodavca rukovodilac poslova.
- (3) Komisija za konačan obračun ugovorenih radova je po njegovom završetku, dužna sačiniti zapisnik o izvršenom konačnom obračunu poslova i po tri primjerka dostaviti svakoj od ugovorenih strana na dalju realizaciju shodno odredbama ovog Ugovora.
- (4) Troškovi rada komisije za konačan obračun radova snose ugovorne strane, svaka strana za svoje članove zajedničke komisije.

Član 16.

(Izmjena odredbi Ugovora, raskid Ugovora)

- (1) Sve eventualne dopune i izmjene ovog Ugovora moguće je obaviti nakon provođenja zakonom utvrđenih procedura, pismeno, potpisivanjem novog Ugovora, uz saglasnost ugovornih strana.
- (2) U slučaju da jedna od ugovornih strana ne izvršava svoje obaveze u cijelosti ili ih izvršava djelimično i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostrani raskid Ugovora i naplatu nastale štete.

Član 17.

(Rješavanje sporova)

Sve eventualne sporove koji proisteknu iz ovog Ugovora rješavati će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 18.

(Završne odredbe)

- (1) Sastavni dio ovog Ugovora čine :
 1. prihvaćena Ponuda Izvršioca
 2. građevinski dnevnik,
 3. građevinska knjiga i
 4. svaka druga obostrano usaglašena i ovjerena dokumentacija koja nastane tokom realizacije ugovornih obaveza.
- (2) Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog

lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

- (3) Ovaj Ugovor stupa na snagu danom potpisa od strane ugovornih strana.
- (4) Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.



Broj: 17-11-33471-21/20
Datum: 21.10.2020. godine

PRODAVAC:
ŽALUZINE STYLE d.o.o.



Broj: 49-97-11/20
Datum: 06.11.2020.